



13. marts 2015

Inatsisartut suleriaasianni §37 naapertorlugu Naalakkersuisunut imatut apeqquteqarpunga:

1. Sooruna Aalisarnermik Ineriartortitsinermit Aningaasaateqarfimmi aningaasanik atorneqanngitsoorsimasunik uningasoqartoq?
2. Ukiuni 2012, 2013, 2014-imilu qassit qinnuteqarsimappat aamma aningaasat qinnutigineqarsimasut qassiuppat?
3. Qinuuteqaatinik itigartitsisoqarsimava 2015-imut "katersiniarneq" pissutigalugu?
4. Aningaasat uninngasuutigineqalersimasut tamarmik atorneqarnissaat Naalakkersuisunit ilimagineqarpa?

(Inatsisartunut ilaasortaq Naaja H. Nathanielsen)

Tungavilersuut

2015-imut Naalakkersuisut kontomut 50.06.50-mut "*Aalisarnermut aningaasaliissutinut immikkoortitat*" aningaasaliisoqannginnissaa aalajangiussimavaat. Aningaasalissutit ilaatigut sinerissamut qanittumi aalisariutini taarsersuinermit nutarsaanermullu aammalu nutaaliorluni misileraanernut atorneqartarput, kiisalu misileraalluni aalisarnermut assigisaannullu Nunatsinni aalisagaqassutsip ineriartorneranut taakkualu atorneqarnerannut iluaqutaasinaasutut isigineqartunut atorneqartarlutik. Aamma aalisariutinik isaterinissamut qinnuteqartoqarsinnaavoq. Ilisimasakka naapertorlugit Naalakkersuisut aningaasaliissuteqannginnissamut pissutigisaat tassaavoq ukiut siulliini aningaasaliissutinik atorneqarsimanngitsunit unerartitsisoqarsimanera. Tamanna uggornartutut isigaara tassami aningaasaliissutaasinnaasut atorfissaqartinneqaraluaqimmata.

Aningaasalissutit qanoq atorneqarnissaannut Naalakkersuisut malittarisassiortarput. Taakku unai takuneqarsinnaapput:

Dansk:

<http://dk.vintage.nanoq.gl/Emner/Erhverv/Erhvervsstoetteordninger/Fiskerifinansieringspuljen.aspx>

Kalaallisut:

<http://vintage.nanoq.gl/Emner/Erhverv/Erhvervsstoetteordninger/Fiskerifinansieringspuljen.aspx>

Ullut suliffiusut qulit ingerlaneranni akineqarnissara kissaatigaara.